

ՀԱՅԿԱԿԱՆ ՍՍՌ ԳԻՏՈՒԹՅՈՒՆՆԵՐԻ ԱԿԱԴԵՄԻԱՅՈՒՄ

Տեղի ունեցավ Հայկական ՍՍՌ Գիտությունների ակադեմիայի նախագահության հերթական նիստը:

Նիստում լսվեց Հայկական ՍՍՌ Գիտությունների ակադեմիայի թղթակից անդամ Բ. Բ. Պիոտրովսկու զեկուցումը Կարմիր բլուրում 1949 թվին կատարված հնագիտական պեղումների նախնական արդյունքների մասին:

Նախագահությունը նշեց, որ Կարմիր բլուրում աշխատանքները հաջող են ընթանում և այս տարվա հայտնագործությունները գիտական բացառիկ հետաքրքրություն են ներկայացնում:

Հատուկ հանձնաժողովին հանձնարարվել է նախապատրաստել պեղումների վայրում Պետական պատմական թանգարան բացելու հարցը:

Այնուհետև Գիտությունների ակադեմիայի Կառուցվածքների և շինանյութերի ինստիտուտի կողմից անցկացվող փորձնական շինարարության ընթացքի մասին զեկուցեց Ինստի-

տուտի դիրեկտորի պաշտոնակատար ընկ. Զ. Հացագործյանը:

Ակադեմիայի նախագահությունը անբավարար գտավ շինարարության ընթացքը և Ինստիտուտին առաջարկեց ուժեղացնել իր աշխատանքն այդ ասպարեզում:

Այնուհետև լսվեց ընկ. Զ. Ստեփանյանի զեկուցումը Հայաստանի աշխարհագրական ընկերության աշխատանքի մասին:

Ակադեմիայի նախագահությունը ընկերությանը պարտավորեցրեց վերսկսել Հայկական ՍՍՌ աշխարհագրական բառարանը կազմելու աշխատանքը, այն հաշվով, որ վերջինս հրատարակվի 1950 թվին: Առաջարկված է ուժեղացնել մասսայական աշխատանքը, մանավանդ շրջանային կենտրոններում ու գյուղերում, ընդարձակել դասախոսությունների ցիկլը, ուժեղացնել կապը դպրոցի աշակերտների հետ, հրատարակության պատրաստել մի շարք պոպուլյար բրոշյուրներ ուս հայտնի էանապարհորդների ու աշխարհագրագետների մասին: